

ЦАГДАА, ДОТООДЫН ЦЭРГИЙН БАЙГУУЛЛАГЫН 2020 ОНЫ ҮЙЛ АЖИЛЛАГААНЫ ТАЛААРХ ТОВЧ ТАНИЛЦУУЛГА

2021 оны 01 дүгээр
сарын 08-ны өдөр

Улаанбаатар
хот

Цагдаа, дотоодын цэргийн байгууллагаас Монгол Улсын Үндсэн хууль, Цагдаагийн албаны тухай, Дотоодын цэргийн тухай хууль болон бусад хууль тогтоомжийг хэрэгжүүлэх чиглэлээр гэмт хэрэгтэй тэмцэх, нийтийн хэв журам хамгаалах, олон нийтийн аюулгүй байдлыг хангах, улсын онц чухал объектыг хамгаалах үндсэн чиг үүргийн хүрээнд 2020 онд дэвшүүлсэн зорилт, гүйцэтгэлийн төлөвлөгөөний хэрэгжилтийг ханган ажиллаа.

Нэг. Удирдлага, зохион байгуулалтын талаар

Цагдаа, дотоодын цэргийн байгууллагаас 2020 онд “Удирдлагын манлайлал, алба хаагчдын мэргэжлийн ур чадвар, харилцааны соёлыг дээшлүүлнэ. Үйл ажиллагаанд технологийн дэвшлийг нэвтрүүлж, бүтээлч санал, санаачилгыг дэмжинэ” гэсэн зорилтыг дэвшүүлэн, зорилтын шалгуур үзүүлэлт, Цагдаагийн ерөнхий газрын 2020 оны гүйцэтгэлийн төлөвлөгөөг Цагдаагийн ерөнхий газрын дарга, дотоодын цэргийн командлагчийн 2020 оны А/01 дүгээр тушаалаар батлуулан, хэрэгжилтийг ханган ажиллаа.

Цагдаа, дотоодын цэргийн байгууллагаас 2020 онд үйл ажиллагаанд холбогдох бодлогын 24, хууль тогтоомж, тогтоол шийдвэрийн 74, захиргааны байгууллагын үйл ажиллагаанд хамаарах 6 баримт бичиг, захиргааны хэм хэмжээний 10 акт болон биелэлт эргэн мэдээлэх шаардлагатай нийт 83 шийдвэрийн 143 арга хэмжээ, зүйл заалтыг хяналтад авч, биелэлт, үр дүнг тооцон, хяналт-шинжилгээ хийн, үнэлгээ өгч, Хууль зүй, дотоод хэргийн яаманд тогтоосон хугацаанд хүргүүлсэн.

Монгол Улсын Их Хурлын 2020 оны 52 дугаар тогтоолоор баталсан “Алсын хараа-2050” Монгол Улсын урт хугацааны хөгжлийн бодлого”-ын хүрээнд Монгол Улсын эдийн засаг, нийгмийг хөгжүүлэх 5 жилийн төлөвлөгөө, Монгол Улсын Засгийн газрын 2020-2024 оны мөрийн хөтөлбөр, үйл ажиллагааны төлөвлөгөөнд цагдаа, дотоодын цэргийн байгууллагаас тодорхой саналыг боловсруулж, Хууль зүй, дотоод хэргийн яаманд хүргүүлэн, тусгуулж, батлуулсан.

Цагдаагийн ерөнхий газрын даргын зөвлөлийн 2020 оны хуралдаанаар хэлэлцэх асуудлын төлөвлөгөөг Цагдаагийн ерөнхий газрын дарга, дотоодын цэргийн командлагчаар батлуулан, 2020 онд зөвлөлийн ээлжит 9 удаагийн хуралдаанаар бодлогын чанартай болон дээд шатны албан тушаалтан, түүнчлэн Цагдаагийн төв байгууллагын даргын шийдвэрийн хэрэгжилт, санхүү, төсөв, дотоод хяналт шалгалт, хүний нөөцийн зэрэг 25 асуудлыг хэлэлцүүлж, хуралдаанаас гарсан шийдвэр, мэдээлэл, үүрэг, ажлын чиглэлийг холбогдох анги, байгууллагад тухай бүр хүргүүлж, үр дүнг тооцон ажилласан.

Цагдаагийн ерөнхий газрын дарга, дотоодын цэргийн командлагчаас болон Тэргүүн дэд, Дэд, Захиргааны удирдлагын газрын дарга нараас цаг үеийн нөхцөл байдалтай холбогдуулан нийт 95 удаагийн үүрэг, ажлын чиглэл, зөвлөмжийг боловсруулан, анги, байгууллагад хүргүүлж, хэрэгжилтийг тухай бүр тооцсон.

Эрүү, Эрүүгийн хэрэг хянан шийдвэрлэх тухай, Цагдаагийн албаны тухай, Зөрчил, Зөрчил шалган шийдвэрлэх тухай хуульд нэмэлт, өөрчлөлт оруулах тухай болон хамт өргөн мэдүүлсэн хуулиудын төслийг Улсын Их Хурлын нэгдсэн хуралдаанаар хэлэлцүүлэх бэлтгэл ажлыг хангаж, 2020 оны 01 дүгээр сарын 09-ний өдөр батлуулсан.

Монгол Улсын Засгийн газрын 2020 оны 141 дүгээр тогтоолоор “Цагдаагийн байгууллагын хөгжлийн хөтөлбөр 2020-2024”-ийг баталсан бөгөөд хөтөлбөрийг 2020-2021 онд хэрэгжүүлэх ажлын төлөвлөгөөг Хууль зүй, дотоод хэргийн сайдын 2020 оны А/110 дугаар тушаалаар батлуулж, хэрэгжилтийг ханган ажиллаж байна.

Цагдаагийн ерөнхий газрын даргын 2020 оны А/163 дугаар тушаалаар “Цагдаа, дотоодын цэргийн алба хаагч, ажилтны эрх, хууль ёсны ашиг сонирхлыг хамгаалах хөтөлбөр, төлөвлөгөө, шалгуур үзүүлэлт”-ийг батлуулж, хөтөлбөрийн хэрэгжилтийг зохион байгуулах Зөвлөл, анги, байгууллагын Дэд зөвлөлийн анхдугаар хуралдааныг 10 дугаар сарын 23-ны өдөр цахимаар зохион байгуулж, цагдаа, дотоодын цэргийн алба хаагч,

ажилтны эрх, хууль ёсны ашиг сонирхлыг хамгаалахтай холбоотой хууль тогтоомжийн эмхэтгэлийг бэлтгэн, анги, байгууллагад хүргүүлсэн.

Монгол Улсын Үндэсний аюулгүй байдал, хүний эрх, эрх чөлөөг хангах, төр, иргэн, хуулийн этгээдийн хууль ёсны ашиг сонирхлыг гэмт халдлагаас хамгаалах, урьдчилан сэргийлэх, нийгмийн дэг журмыг бэхжүүлж, иргэний ухамсар, соёлыг төлөвшүүлэх төрийн бодлогыг хангах зорилго бүхий “Цагдаа, дотоодын цэргийн байгууллагын гэмт хэрэг, зөрчлөөс урьдчилан сэргийлэх бодлогын баримт бичиг”-ийг 2020 оны 10 дугаар сарын 19-ний өдрийн А/250 дугаар тушаалаар батлан, үйл ажиллагаандаа хэрэгжүүлж байна.

Монгол Улсад Хууль зүйн алба үүсэн байгуулагдсаны 110, орчин цагийн цагдаагийн байгууллага үүсэн байгуулагдсаны 100 жилийн ой 2021 онд тохиохтой холбогдуулан бэлтгэл ажлыг хангах төлөвлөгөөг боловсруулж, хэрэгжүүлэх ажлыг зохион байгуулах үүрэг бүхий ажлын хэсэг, дэд ажлын хэсгүүдийг Цагдаагийн ерөнхий газрын дарга, дотоодын цэргийн командлагчийн 2020 оны А/136 дугаар тушаалаар байгуулж, ойг тэмдэглэн өнгөрүүлэх бэлтгэл ажлын төлөвлөгөөг 8 бүлэг, 81 ажил, арга хэмжээтэй төлөвлөн хэрэгжилтийг ханган ажиллаж байна.

Монгол Улсын Ерөнхий сайдын нэрэмжит Үндэсний аюулгүй байдлыг хангах тусгайлсан чиг үүрэгтэй байгууллагуудын дунд зохион байгуулагдах буудлагын аварга шалгаруулах тэмцээний бэлтгэл ажлыг хангаж, тэмцээнийг 2020 оны 09 дүгээр сарын 16-ны өдөр Цагдаа, дотоодын цэргийн Сургалтын нэгдсэн төвийн “Нарстай” хээрийн сургалтын хэсэгт амжилттай зохион байгуулсан.

Гурав дахь жилдээ зохион байгуулагдаж байгаа энэхүү тэмцээнд 11 байгууллагын 70 алба хаагч, 4 төрлөөр өрсөлдөж, багийн дүнгээр тэргүүн болон удаах байрт Цагдаагийн ерөнхий газар, гутгаар байранд Тагнуулын ерөнхий газрын баг тус тус шалгарсан.

Хүний нөөцийн чиглэлээр: Цагдаагийн ерөнхий газрын дарга, дотоодын цэргийн командлагчийн 971 тушаалаар давхардсан тоогоор 8911, Цагдаагийн ерөнхий газрын дэд болон Захиргааны удирдлагын газрын даргын 89 тушаалаар 618, нийт 1059 тушаалаар 9529 асуудлыг шийдвэрлэсэн.

Цагдаагийн ерөнхий газрын даргын зөвлөлийн хуралдааны шийдвэрээр бүтцийн өөрчлөлтөөр 576, шилжүүлэн буюу зохицуулан томилсон 969, цагдаагаас офицерын бүрэлдэхүүнд 423, нөөцөөс офицер, дадлагажих ажилтнаар 47, хүүхэд асрах чөлөө цуцалсан 42, Дотоод хэргийн их сургууль, ОХУ, БНТУ-ын цагдаагийн академи төгссөн 335, нийт 413 алба хаагчийг албан тушаал дэвшүүлэн тус тус томилсон.

Харьяа алба, нэгж байгууллагаас ирүүлсэн бүтэц, орон тоотой холбоотой санал, хүсэлтийг хүлээн авч, үндэслэл, хэрэгцээ шаардлагыг судалж, холбогдох алба, нэгжээс санал авч шийдвэрлэж ажилласнаар 2020 онд давхардсан тоогоор 121 нэгж, байгууллагын бүтэц, орон тоонд өөрчлөлт оруулсан. Тухайлбал:

Шинээр 320 орон тоо нэмэгдсэнтэй холбогдуулан Экологийн цагдаагийн алба, Дотоодын цэргийн 05 дугаар ангид “Гэрээт салбар”, Тээврийн цагдаагийн албаны Иргэний агаарын тээвэр дэх цагдаагийн хэлтэст “Гэрээт замын цагдаагийн тасаг”, Эрүүгийн цагдаагийн албаны Кибер гэмт хэрэгтэй тэмцэх хэлтэст 3 дугаар тасгийг тус тус шинээр, Хар тамхитай тэмцэх газрын үйл ажиллагааг өргөтгөн, харьяа нэгжүүдийн 26 орон тоог цалингийн сангийн хамт 2020 оны 12 дугаар сарын 31-ний өдрийг дуустал Дотоодын цэргийн штабын мэдэлд түр шилжүүлсэн.

Хэрэг бүртгэх албаны чиг үүргийг Мөрдөн байцаах албанд шилжүүлсэнтэй холбогдуулан тус албаны албан тушаалын нэршил, чиг үүргийг өөрчилж, 210 орон тоог Мөрдөн байцаах болон Нийтийн хэв журам хамгаалах, олон нийтийн аюулгүй байдлыг хангах албаны харьяалалд шилжүүлж, орон тоо, цол, цалингийн зэрэглэлийг шинээр тогтоосон.

Дотоод хэргийн их сургуулийн Цагдаагийн сургуулийн “Цагдаагийн ажил эрх зүй” хөтөлбөрөөр суралцаж төгссөн 155 иргэнээс 134 иргэнийг Цагдаагийн ерөнхий газрын даргын 2020 оны 12 дугаар сарын 01-ний өдрийн Б/981 дүгээр тушаалаар цагдаагийн байгууллагын офицер албан тушаалын сул орон тоонд томилж, цагдаагийн дэслэгч цол олгосон.

Цагдаа, дотоодын цэргийн байгууллагын ахлагч албан тушаалын сул орон тоог нөхөх хүний нөөцийн хэрэгцээ, шаардлагын хүрээнд "Цагдаа", "Харуулчин" албан тушаалын мэргэжил олгох сургалтыг цахимаар болон тухайн нутаг дэвсгэр хариуцсан цагдаа, дотоодын цэргийн анги, байгууллагыг түшиглэн 2 удаа зохион байгуулж, 476 иргэнийг цагдаа, дотоодын цэргийн байгууллагын сул орон тоонд томилсон.

Монгол Улсын Засгийн газрын 86 дугаар тогтоолын дагуу аймгийн төвөөс бусад суманд 5-аас дээш жил ажилласан 135 алба хаагчид 30 сарын тэтгэмж, 9 алба хаагчийн ар гэрт буцалтгүй тусламж, цэргийн байнгын тэтгэвэр тогтоолгосон 99 алба хаагчид 36 сар, хувь тэнцүүлэн тэтгэвэр тогтоолгосон 3 алба хаагчид 18 сар, цэргийн алба хаасны тэтгэвэр тогтоолгох эрх үүссэн 4 алба хаагчид урьдчилж 18 сар, нас барсан 1 алба хаагчийн ар гэрт 120 сар, 2 алба хаагчийн ар гэрт 60 сар, 2 алба хаагчийн ар гэрт 36 сарын тэтгэмж олголоо.

Монгол Улсын Ерөнхийлөгчийн зарлигаар Алтангадас 1, Цэргийн гавьяаны улаан тугийн одон 2, Цэргийн гавьяаны одон 9, Цэргийн хүндэт медаль 11, Хөдөлмөрийн хүндэт медалиар 4, нийт 27 алба хаагч төрийн одон, медалиар шагнагдсан.

Хууль зүй, дотоод хэргийн сайдын тушаалаар Хууль зүйн албаны тэргүүний ажилтан цол тэмдгээр 44, Цагдаагийн алдар тэмдгээр 133, Хүндэт жуухаар 117, нийт 294 алба хаагч яамны шагналаар, Цагдаагийн ерөнхий газрын Цагдаагийн гавьяа тэмдгээр 445, Хүндэт жуухаар 1220, мөнгөн бөгж 690, Спортын алдар 19, Эрүүгийн цагдаагийн албаны хүндэт ажилтан 17, Цагдаагийн байгууллагын хүндэт тэмдэг 2, Дотоодын цэргийн алдар 18, Цагдаагийн төлөө 13, албаны төлөө нэг 314, албаны төлөө хоёр 461, албаны төлөө гурав 566, арван тавны цагдаа 1, Монгол цагдаа тэмдгээр 107, Цагдаагийн ерөнхий газрын дарга болон Захиргааны удирдлагын газрын даргын тушаалаар сарын үндсэн цалингийн тодорхой хувиар 589, нийт 4485 алба хаагч тус тус шагнагдсан.

Соён гэгээрүүлэх, албаны сургалтын чиглэлээр: Цагдаагийн ерөнхий газрын дарга, дотоодын цэргийн командлагчийн 2020 оны А/07, А/08 А/24 дүгээр тушаалаар "Цагдаа, дотоодын цэргийн анги, байгууллагын 2020 оны албаны сургалтын хөтөлбөр, төлөвлөгөө", "Соён гэгээрүүлэх ажлын төлөвлөгөө", "Цагдаа, дотоодын цэргийн алба хаагчдын мэдлэг, ур чадварыг дээшлүүлэх давтан, мэргэшүүлэх 2020 оны сургалтын нэгдсэн төлөвлөгөө"-г тус тус баталж, нийт 4542 удаагийн 5688 цагийн сургалт зохион байгуулж, давхардсан тоогоор 611657, мэдээлэл, сурталчилгаа, соёл хүмүүжлийн 6405 төрлийн ажил, арга хэмжээг мэдээлэл, технологийн өргөн боломжийг ашиглан зайн болон цахим хэлбэрээр зохион байгуулж, давхардсан тоогоор 831143 алба хаагчийг хамруулан үр дүнг тооцсон.

Алба хаагчдын мэдлэг, ур чадвар, боловсролын түвшинг дээшлүүлэх зорилгоор Цагдаагийн байгууллагын захиалгаар Дотоод хэргийн их сургуулийн бакалаврын боловсролын эчнээ хөтөлбөрийн сургалтад 343, магистрын хөтөлбөрийн сургалтад 48, докторын хөтөлбөрийн сургалтад 10, Удирдлагын сургуульд 24, нийт 425 алба хаагчийг суралцуулж байна.

Мөн алба хаагчдын мэргэжлийн болон гадаад хэлний мэдлэг, ур чадварыг дээшлүүлэх, хөгжүүлэх зорилгоор гадаад, дотоодын төрийн болон төрийн бус байгууллагуудтай хамтран ажиллаж, БНХАУ, ОХУ, БНТУ, Тайвань, БНУУ, Австрали зэрэг 6 улсын цагдаагийн байгууллага, академи, их, дээд сургуульд боловсролын адъюнктур, доктор, магистрантур, бакалаврын сургалтад 78, АНУ, БНТУУ, БНКУ, Катар, Япон зэрэг 5 улсад богино хугацааны 6 удаагийн сургалтад 19, нийт 97 алба хаагчийг суралцуулсан.

Гадаад харилцаа, хамтын ажиллагааны чиглэлээр: Гадаад улсаас Монгол Улсад суугаа Элчин сайдын яам, олон улсын байгууллагатай хамтран гадаадын улс, орнуудад болон дотооддоо зохион байгуулагдсан сургалт, семинартай холбоотой 8 удаагийн арга хэмжээнд 51, айлчлал, албан томилолт, олон улсын хурал, уулзалт, зөвлөгөөнд оролцохтой холбоотой 3 арга хэмжээнд 4, нийт 11 арга хэмжээнд 55 алба хаагчийг Бүгд Найрамдах Турк Улс, Америкийн Нэгдсэн Улс, Бүгд Найрамдах Хятад Ард Улс, Бүгд Найрамдах Итали Улс, Оросын Холбооны Улс, Бүгд Найрамдах Казакстан Улсуудад томилолтоор ажилласан.

Америкийн Нэгдсэн Улс, Бүгд Найрамдах Турк Улсын Станбул, Бүгд Найрамдах Итали Улсын Ром, Япон Улсын Токио, Бүгд Найрамдах Казакстан Улсын Алма-Ата хотод зохион байгуулагдсан "Олон нийтийн аюулгүй байдлыг хангах, нийтийн хэв журам хамгаалах олон улсын туршлага, цаашдын чиг хандлага", "Мансууруулах бодисыг мөрдөн шалгах

ажиллагаа”, “Мөнгө угаах гэмт хэрэгтэй тэмцэх нь” зэрэг сургалтуудад 43 алба хаагчийг хамруулсан.

Бүгд Найрамдах Хятад Ард Улсын Нийгмийг аюулаас хамгаалах яамнаас шинэ төрлийн коронавируст халдвар /COVID-19/-ын цар тахал хурдацтай нэмэгдэж байгаатай холбогдуулан хүн амыг болзошгүй аюулт өвчнөөс урьдчилан сэргийлэх, нийтийн хэв журам хамгаалах, олон нийтийн аюулгүй байдлыг хангах үйл ажиллагаанд дэмжлэг үзүүлэх зорилгоор 225.0 сая төгрөгийн үнэ бүхий нэг удаагийн халдвар хамгаалалтын хувцас 1000, амны хаалт 160.0 мянган, эмчилгээний зориулалттай 1000 ширхэг нүдний шилийг 2020 оны 05 дугаар сарын 13-ны өдөр Цагдаа, дотоодын цэргийн байгууллагад хүлээлгэн өгөх үеийн арга хэмжээг зохион байгуулсан.

Гэмт хэрэг, зөрчлөөс урьдчилан сэргийлэх чиглэлээр: Гэмт хэрэг, зөрчлөөс урьдчилан сэргийлэх, иргэдийн эрх зүйн боловсролыг дээшлүүлж, нийгэмд эерэг хандлага төлөвшүүлэх зорилгоор хулгайлах гэмт хэргээс сэргийлэх “Дахин сэрэмжилье, дахин шалгая”, залилах гэмт хэргээс сэргийлэх “Ятгах тусам нягтал”, хүрээлэн байгаа орчны гэмт хэргээс сэргийлэх “Ногоон дуу хоолой”, “Хогоор бүү хорло”, “Ирлээ, Явлаа, Цэвэр”, “Цэнхэр алт усаа хайрлая”, “Ой модоо хайрлая” нөлөөллийн аян, “Нөхөн сэргээлт-2020”, коронавируст халдвар /КОВИД-19/-ын цар тахлын улмаас учирч болзошгүй эрсдэлээс сэргийлэх “Бүү сандар, бүү хуурт, бүү өг”, хөдөлгөөний аюулгүй байдал, тээврийн хэрэгслийн ашиглалтын журам зөрчихөөс сэргийлэх “Яараад яахав дээ”, “Бид нэг амьтай”, хүүхдийн эрх хамгаалах чиглэлээр “Сүүдэр бүү тусга”, “Хичээл эхэллээ”, “Хүүхэд эрхэм хэрэглэгч”, хөдөлмөрийн аюулгүй байдлыг хангах “Аюулгүй ажиллагаа-амьдралын баталгаа”, алба хаагчдын сахилга, ёс зүйг дээшлүүлэх “Өнгө нэмцгээ” зэрэг нэгдсэн 17, хэсэгчилсэн 1044 арга хэмжээг төрийн болон төрийн бус байгууллагуудтай хамтран зохион байгуулж, үр дүнг тооцон ажилласан.

Улсын хэмжээнд гэмт хэрэг, зөрчлөөс урьдчилан сэргийлэх, таслан зогсоох чиглэлээр 15795 сургалт, мэдээлэл, сурталчилгаа, 1341 уулзалт, хэлэлцүүлэг, ярилцлага, 251 өдөрлөг, 146 уралдаан тэмцээн зохион байгуулж, давхардсан тоогоор нийт 13353108 иргэнийг хамруулж, цахим орчинд 43635 мэдээлэл, зурагт видео, контент байршуулж, олон нийтийн газар, зах, худалдааны төв, нийтийн тээвэр, орон сууцны лифтэнд 1879732 ширхэг гарын авлага, зурагт хуудас, зөвлөмж тараан байршуулж, 16934 удаа нэгдсэн үзлэг шалгалт зохион байгуулж, урьдчилан сэргийлэх, гэмт хэрэг гарахад нөлөөлсөн шалтгаан нөхцөлийг арилгуулахаар иргэн, хуулийн этгээдэд 20603 мэдэгдэл өгч, 18065 буюу 8.6 хувьд нь хариу авч үр дүнг тооцсон байна.

Коронавируст халдвар (КОВИД-19)-аас урьдчилан сэргийлэх, таслан зогсоох чиглэлээр зохион байгуулсан ажлын талаар: Тусгай үүргийн захиалгат болон транзит 111 удаагийн нислэгээр БНХАУ, БНСУ, ХБНГУ, ОХУ, Турк, АНУ зэрэг улсаас нийт 21322 иргэн, төмөр замын болон авто замын хилийн боомтоор Монгол Улсын нийт 6756 иргэнийг тус тус татан авч тусгаарлан ажиглах байруудад байрлуулах үед иргэдийг тээвэрлэх, дэглэм сахиулах үеийн хамгаалалт, зохицуулалтад цагдаа, дотоодын цэргийн анги, байгууллагын 13258 алба хаагч үүрэг гүйцэтгэж, хорио цээргийн дэглэм зөрчсөн нийт 559 зөрчил илрүүлж, 38 хүнийг шүүхийн шийдвэрээр баривчилж, 260.330.000 төгрөгийн торгох шийтгэл оногдуулсан байна.

Үүссэн нөхцөл байдалтай холбогдуулан өнгөрсөн хугацаанд төв, орон нутгийн цагдаагийн байгууллагын болон мэргэжлийн байгууллагуудтай хамтран Монгол Улсын нутаг дэвсгэрийн хэмжээнд иргэд, тээврийн хэрэгслийн хөдөлгөөнийг бүхэлд нь хяналтад авах ажлын төлөвлөлтийг хийж, Улаанбаатар хотын шалган нэвтрүүлэх 9, хяналтын 51 цэг, орон нутагт хяналтын 285, сумдын хяналтын 630 цэгээр нутаг дэвсгэрийн авто замуудыг бүрэн хяналтад авч ажилласан.

Хүрээлэн буй орчны хяналтын чиглэлээр: Агаарын чанарыг сайжруулах бүсэд үйл ажиллагаа явуулж байгаа 20 байгууллага, аж ахуйн нэгжийн 78 халаалтын зуух, утааны шүүлтүүр суурилуулсан 202 байгууллага, Агаарын чанарыг сайжруулах бүсэд мөрдөх журамд зааснаар холбогдох байгууллагаас олгосон зөвшөөрлийн бичгийг үндэслэн аж ахуйн нэгж, Нийслэлийн дүүргүүдийн 5 хорооны хэрэглэгчдэд 172.910.004 тн түүхий нүүрс 6629 тээврийн хэрэгслээр нэвтрүүлэхэд хяналт тавьж ажиллаа.

Агаарын чанарыг сайжруулах бүсэд зохих зөвшөөрөлгүй нэвтрүүлсэн болон нэвтрүүлэхээр тээвэрлэсэн түүхий нүүрсийг шийдвэрлэх Нийслэлийн Засаг даргын 2020

оны 09 дүгээр сарын 30-ны өдрийн “Түүхий нүүрсний тээвэрлэлт, хэрэглээнд хяналт тавих тухай” А/1152 дугаар захирамжийн хэрэгжилтийг хангах ажлыг зохион байгуулж, зохих зөвшөөрөлгүй 70.3 тонн түүхий нүүрсийг Амгалан дулааны станцад төвлөрүүлэн, зөрчлийг Нийслэлийн мэргэжлийн хяналтын газарт шилжүүлж шийдвэрлүүлсэн.

Захирамжийн хэрэгжилтийг хангах ажлын хүрээнд 10 аж ахуйн нэгжийн 57 объектын 127 уурын зуухны үйл ажиллагаанд хяналт шалгалт хийж, Нийслэлийн Захирагчийн ажлын албанаас 2019 онд олгогдсон зөвшөөрлөөр түүхий нүүрс хэрэглэсэн, өнжмөл түүхий нүүрсийг шатааж хэрэглэсэн, зөвшөөрөлгүй түүхий нүүрс хэрэглэсэн зэрэг зөрчлийг илрүүлэн 247,92 тонн түүхий нүүрсийг Амгалан дулааны цахилгаан станцад төвлөрүүлэн, 9 аж ахуйн нэгжийн зөрчлийг шийдвэрлүүлэхээр Нийслэлийн Мэргэжлийн хяналтын газарт шилжүүлэн, Зөрчлийн тухай хуульд зааснаар 18.0 сая төгрөгийн торгох шийтгэл оногдуулсан.

Нийслэлийн Засаг дарга бөгөөд Улаанбаатар хотын захирагч, Цагдаагийн ерөнхий газар, Мэргэжлийн хяналтын ерөнхий газрын дарга нарын хамтран баталсан удирдамжийн дагуу агаарын чанарыг сайжруулах бүсэд агаар бохирдуулагч эх үүсвэр ашиглан үйл ажиллагаа эрхэлж буй иргэн, аж ахуйн нэгж, байгууллагын түүхий нүүрсний хэрэглээ, татан авалт, гэр хорооллын хороодын нутаг дэвсгэрт иргэд хууль бусаар түүхий нүүрс хэрэглэсэн, хадгалсан эсэхэд нийслэлийн 6 дүүргийн 122888 өрхөд хяналт шалгалт хийж 20 өрхөөс 4.6 тн өнжмөл түүхий нүүрс илрүүлэн, зохих журмын дагуу шийдвэрлэсэн. Арга хэмжээнд цагдаа, онцгой, мэргэжлийн хяналтын байгууллагын 2433 алба хаагч, ажилтан оролцсон.

Эргүүл, хяналт шалгалтын чиглэлээр: Нийслэлийн хэмжээнд гэмт хэрэг, зөрчил ихээр үйлдэгддэг 363 эмзэг цэг, 19 томоохон зах худалдааны төв, үзэсгэлэн худалдаа явагдаж буй 13 газар, гудамж, талбайд давхардсан тоогоор авто эргүүлийн 1458 чиглэлд 5832, явган эргүүлийн 709 чиглэлд 4063 алба хаагч, 4253 хэв журмын урамшилт эргүүл, 1755 олон нийтийн цагдаа үүрэг гүйцэтгэж, 36 гэмт хэрэг илрүүлж, хүний эрүүл мэндэд хохирол учруулах 19 гэмт хэргийг таслан зогсоож, зөрчил гаргасан 8016 хүнд Зөрчлийн тухай хуульд зааснаар 181250.0 мянган төгрөгийн торгох шийтгэл оногдуулж, архидан согтуурсан 5971 хүнийг эрүүлжүүлж, 3459 хүнийг ар гэр асран хамгаалагчид нь хүлээлгэн өгч ажилласан.

Орон нутгийн хэмжээнд согтууруулах ундаа худалдан борлуулдаг, түүгээр үйлчилдэг аж ахуйн нэгж, байгууллага, төвлөрсөн захуудад хориглосон үйлчилгээ явуулахгүй байх талаар орон нутгийн Засаг дарга нараас гаргасан захирамжийн дагуу 1245 худалдааны төв, 405 зах, согтууруулах ундаагаар үйлчилдэг 3700 цэг, согтууруулах ундаа худалдан борлуулдаг 10102, үйлчилгээний 7677 газар, банк, банк бус санхүүгийн 2132 байгууллага, 800 ломбарт, 651 сүм, хийд, 410884 тээврийн хэрэгсэл, 1803560 мянган хүнд үзлэг, шалгалт хийн, 46 гэмт хэрэг илрүүлж, 115 гэмт хэргийг таслан зогсоож, 7632 зөрчил илрүүлж, 4513 хүн, 643 албан тушаалтан, 7 хуулийн этгээдэд 460.806.000 төгрөгийн торгох шийтгэл оногдуулсан.

Тээврийн цагдаагийн албаны чиглэлээр: Монгол Улсад үүрэн холбооны үйлчилгээ эрхлэн явуулж байгаа Unitel, Skytel, Gmobile, Mobicom компаниудын хэрэглэгчдийн гар утасны Hitone үйлчилгээнд шинээр зам тээврийн осол, хэргээс урьдчилан сэргийлэхэд иргэдэд нөлөөлөх зорилгоор “Согтуугаар тээврийн хэрэгсэл жолоодохгүй байх”, “Замын хөдөлгөөнд оролцохдоо утас болон түүнтэй ижил төсөөтэй зүйл хэрэглэхгүй байх” гэсэн утгатай аудио шторкийг “Lemons” дуу бичлэгийн студиэр бичүүлэн Мобикомын Hitone, Юнителийн Unimusic, Жи-Мобайлын Doremi, Скайтелын Skymelody үйлчилгээнүүдэд нэвтрүүлэн тус албаны харьяа газар, хэлтэс, нутаг дэвсгэр хариуцсан замын цагдаагийн тасаг /хэсэг/-ийн алба хаагчдын хувийн гар утас болон шалгах төхөөрөмжийн дугаарт дуудлага хүлээлгийн аяны тохиргоонд байршуулсан.

Хүүхэд, явган зорчигчийн аюулгүй байдлыг хангах зорилгоор нийслэлийн 13 байршлын явган хүний гарцны дэргэд Нэт капитал ХХК-тай хамтран “Аюулгүй гарц” цацруулагчтай тугийг байршуулсан. Энэхүү тугийг үзэгдэх орчин хангалтгүй үед гарцаар гарч буй хүүхэд багачууд, явган зорчигчид хэрэглэж, жолооч нарын анхаарлыг дээшлүүлэх, гэрлийн гялбаанд орж, автомашинд мөргүүлэх, бэртэж гэмтэхээс урьдчилан сэргийлэх бодит үр дүнтэй ажил болсон.

Мөн бага насны хүүхдийг зам тээврийн ослоос урьдчилан сэргийлэх ажлын хүрээнд сургууль орчмын бүсэд гэрэлтүүлэгтэй гарц хийх саналыг Нийслэлийн Засаг даргын Тамгын

газарт хүргүүлсний дагуу “Гэрэлтүүлэг чимэглэл” ХХК-тай хамтран 78 сургуулийн 100 байршилд явган хүний гарц дээр тэмдэг, тэмдэглэл, хурд сааруулагч, гэрэлтүүлэг хийх ажлыг хамтран зохион байгуулж ажилласан. Энэхүү гэрэл нь зөвхөн гарц руу тусч, гарцаар гарч байгаа явган зорчигчийн үзэгдэлтийг сайжруулдаг, мөн явган зорчигч зориулалтын товч /push button/ дарж, шар гэрэл анивчуулж, жолооч нарын анхаарлыг дээшлүүлж болдгоороо давуу талтай, шинэлэг гэрэлтүүлэгтэй гарц бий болсон.

Статистик, мэдээллийн талаар: Цагдаагийн байгууллагын хэмжээнд 260357 гомдол, мэдээлэл бүртгэгдэн шалгагдсанаас гэмт хэргийн шинжтэй 65187 (25.0%), зөрчлийн шинжтэй 192053 (73.8%) гомдол мэдээлэл байна. Гэмт хэргийн шинжтэй гомдол, мэдээллийн 25721 буюу 39.5 хувьд нь хэрэг бүртгэлтийн хэрэг нээж, 38867 буюу 59,6 хувьд нь хэрэг бүртгэлтийн хэрэг нээхээс татгалзан, 599 буюу 0.9 хувийг харьяаллын дагуу шилжүүлж шийдвэрлэсэн. Гэмт хэргийн шинжтэй гомдол, мэдээллийн 25200 буюу 38.7 хувийг 5 хоногт, 39071 буюу 59.9 хувийг 6-19 хоногт шийдвэрлэсэн байна.

Цагдаагийн байгууллагад бүртгэгдсэн гэмт хэргийн талаар: Цагдаагийн байгууллагын хэмжээнд нийт 23064, Улаанбаатар хотод 14633 (63.4%), орон нутагт 8420 (36.5%), бусад газар /хилийн чанадад үйлдэгдсэн 11 (0.1%) гэмт хэрэг бүртгэгдсэн нь өмнөх онтой харьцуулахад нийт гэмт хэрэг 8460 буюу 26.8, нийслэлийн хэмжээнд бүртгэгдсэн гэмт хэрэг 5628 буюу 27.8, орон нутгийн хэмжээнд 2784 хэрэг буюу 24.8, бусад газар /хилийн чанадад/-т 48 хэрэг буюу 81.4 хувиар тус тус буурсан байна.

Бүртгэгдсэн гэмт хэргийг төрлөөр нь авч үзвэл: Эрүүл мэндийн эсрэг 22, Хүүхдийн эсрэг 17, Эдийн засгийн эсрэг 123, Олон нийтийн аюулгүй байдал, ашиг сонирхлын эсрэг 291, Нийтийн албаны ашиг сонирхлын эсрэг 211, Авлигын эсрэг 8, Хүний бэлгийн эрх чөлөө, халдашгүй байдлын эсрэг 505, Хөдөлгөөний аюулгүй байдал, тээврийн хэрэгслийн ашиглалтын журмын эсрэг 985, Цэргийн албаны эсрэг 6, Хэрэг шалган шийдвэрлэх ажиллагааны эсрэг 80, Хүний амьд явах эрхийн эсрэг 382, Хүний эрүүл мэндийн халдашгүй байдлын эсрэг 7405, Өмчлөх эрхийн эсрэг 12.061 тус тус бүртгэгдэж, өмнөх онтой харьцуулахад 8.9-98.5 хувиар буурч, Цахим мэдээллийн аюулгүй байдлын эсрэг 146, Хүний халдашгүй, чөлөөтэй байх эрхийн эсрэг 189, Хүрээлэн байгаа орчны эсрэг 622 тус тус бүртгэгдэж, өмнөх онтой харьцуулахад 27,2 хувиас 2.6 дахин өссөн байна. Улсын хэмжээнд гэмт хэргийн илрүүлэлт 51.9, нийслэлд 48.3, орон нутагт 59.2 хувь байгаа нь өмнөх оноос улсын хэмжээнд 7.0, нийслэл хотод 9.4, орон нутагт 2.3 нэгжээр тус тус өсчээ.

Гэмт хэргийн улмаас 66 хуулийн этгээд, 23050 иргэн хохирч, үүнээс 670 хүн нас барж, 8175 хүн гэмтсэнийг өмнөх онтой харьцуулахад нас барсан хүн 260 буюу 28.0, гэмтсэн хүн 552 буюу 6.3 хувиар тус тус буурсан байна.

Улсын хэмжээнд гэр бүлийн хүчирхийллийн улмаас үйлдэгдсэн гэмт хэрэг 1138 бүртгэгдэж, өмнөх оноос 153 хэргээр буюу 15.5 хувиар өсч, үйлдэгдсэн гэмт хэргийн 1045 буюу 91.8 хувийг хөнгөн, 93 буюу 8.2 хувийг хүнд гэмт хэрэг эзэлж байгаа бөгөөд хөнгөн гэмт хэрэг 13.3, хүнд гэмт хэрэг 47.6 хувиар тус тус өссөн. Энэ төрлийн гэмт хэргийн 51.3 хувь нь Улаанбаатар хотод, 48.7 хувь нь орон нутагт тус тус бүртгэгдсэн.

Гэр бүлийн хүчирхийлэлтэй холбоотой гэмт хэргийн улмаас 18 хүн нас барж, 953 хүн гэмтэж, иргэдэд 928.3 сая төгрөгийн эд хөрөнгийн хохирол учирсан нь өмнөх онтой харьцуулбал нас барсан хүн 10 буюу 2.3 дахин, гэмтсэн хүн 221 буюу 30.2, учирсан хохирол 328.6 сая буюу 54.7 хувиар өссөн байна.

Цагдаагийн байгууллагад 2020 онд гэр бүлийн хүчирхийллийн улмаас 10306 зөрчил шалгасан нь өмнөх онтой харьцуулбал 1344 буюу 14.9 хувиар, 8451 зөрчлийг шийдвэрлэсэн нь өмнөх онтой харьцуулбал 1817 буюу 27.4 хувиар тус тус өссөн үзүүлэлттэй байна. Зөрчил гаргасан 362 иргэнийг 47250.0 мянган төгрөгөөр торгох, 8089 хүнийг баривчлах шийтгэл ногдуулсан нь өмнөх оноос иргэнийг торгосон шийтгэл 128 буюу 54.7 хувь, баривчилсан шийтгэл 1689 буюу 26.4 хувиар тус тус өсчээ.

Цагдаагийн байгууллагад бүртгэгдсэн захиргааны зөрчлийн талаар: Нийт 2276868 зөрчил шалгасныг өмнөх онтой харьцуулахад 101043 буюу 4.6 хувиар, 2272346 зөрчлийг шийдвэрлэсэн нь өмнөх онтой харьцуулахад 104011 буюу 4.8 хувиар тус тус өсч, нийт зөрчлийн 1752050 буюу 70.1 хувь нь нийслэлд, 523818 буюу 29.9 хувь нь орон нутагт бүртгэгджээ.

Зөрчил гаргасан 2148231 иргэн, 85633 хуулийн этгээдийг 66.0 тэрбум төгрөгөөр торгох, 16891 хүнийг баривчлах, 21591 хүнийг торгох, тээврийн хэрэгсэл жолоодох эрх хасах шийтгэл тус тус ногдуулж, нийт бүртгэгдсэн зөрчлийн 2252981 буюу 99.1 хувьд цагдаагийн байгууллагын эрх бүхий алба хаагч, 19365 буюу 0.9 хувьд шүүгч шийтгэл оногдуулсан байна. Тайлангийн хугацаанд согтууруулах ундаа хэтрүүлэн хэрэглэсэн үедээ, гэмт хэрэг, зөрчилд холбогдсон 93863 хүн эрүүлжүүлэгдсэн нь өмнөх оноос 17213 буюу 15.5 хувиар буурчээ.

Хэвлэл, мэдээллийн чиглэлээр: Цагдаа, дотоодын цэргийн байгууллагаас гэмт хэрэгтэй тэмцэх, нийтийн хэв журам хамгаалах, олон нийтийн аюулгүй байдлыг хангах, улсын онц чухал объектыг хамгаалах чиглэлээр зохион байгуулж буй үйл ажиллагааг сурталчлах, иргэдэд гэмт хэрэг, зөрчлөөс урьдчилан сэргийлэх чиглэлээр мэдээ, мэдээллийг түгээх ажлын хүрээнд бэлтгэдэг “Амрыг эрье”, “Цагдаагийн мэдээлэл” нэвтрүүлгийн 2020 оны 01 дүгээр сарын төлөвлөгөөнд тусгах саналыг бусад албадуудаас авч нэгтгэн, төлөвлөгөөг гарган нэвтрүүлгийг дамжуулдаг нийт 9 телевизтэй гэрээг шинэчлэн байгуулсан.

Цагдаагийн байгууллагын албан ёсны www.police.gov.mn сайтад байгууллага, алба хаагч, аян арга хэмжээтэй холбоотой 117 ярилцлага, цаг үе, үйл явдлын 218, бусад 169 нийт 504 мэдээ, мэдээллийг бэлтгэн байршуулсан нь 6869224 хүний хандалтыг авсан байна.

Хэвлэл мэдээллийн төвийн фэйсбүүк хуудаст цагдаа, дотоодын цэргийн анги, байгууллагын онцлог үйл явдал, аян арга хэмжээ, ярилцлага, мэдээ мэдээлэл 1717-г бэлтгэн иргэд, олон нийтэд түгээж, мэдээ, мэдээлэл, ярилцлага, постерыг давхардсан тоогоор 17987590 хүн үзэж, 4697280 хүнд таалагдаж, 5970586 удаа хуваалцаж, 2239700 удаа сэтгэгдэл үлдээсэн байна.

Санхүү, аж ахуйн албаны чиглэлээр: Коронавируст халдвар /КОВИД-19/-ын цар тахлаас алба хаагчдаа урьдчилан сэргийлэх, тэдний дархлааг дэмжих зорилгоор Улаанбаатар цагдаагийн хүрээний цагдаа, дотоодын цэргийн байгууллагын эргүүл, жижүүрийн үүргийг 24 цагаар гүйцэтгэдэг 28 байгууллагын 579 алба хаагчид аарц, чацаргана тус бүр 16.875 литр, Улаанбаатар хотын 9 дүүргийн цагдаагийн газар, хэлтсийн 4700 алба хаагчийн хэрэгцээнд аарц, чацаргана тус бүр 5345 литрийг тус тус захиалан авч, хуваарийн дагуу олгосон. Халдварт өвчин судлалын үндэсний төв, Цэргийн төв эмнэлгийн хяналтын болон Улаанбаатар хот тойрсон шалган нэвтрүүлэх 34 цэгт үүрэг гүйцэтгэж байгаа алба хаагчдад 2020 оны 03 дугаар сарын 10-ны өдрөөс хойших хугацаанд Хүнсний хэсэг болон цагдаа, дотоодын цэргийн “Түр хүрээ”-ний цайны газраас өдөрт 2 удаа давхардсан тоогоор нийт 26.884 алба хаагчид 123.4 сая төгрөгийн хоол, цайгаар үйлчилсэн.

Монгол Улсын Шадар сайдын 2020 оны 25 дугаар тушаалын дагуу Цагдаагийн байгууллагад хуваарилсан 150.0 сая төгрөгийг нэмэлт санхүүжилтийг хүлээн авч, 5 явуулын хяналтын байр худалдан авах, Шуурхай удирдлагын штаб, тусгаарлах цэгт үүрэг гүйцэтгэж байгаа алба хаагчдын хоолны зардалд зарцуулж, мөн сайдын 2020 оны 30 дугаар тушаалаар хуваарилсан 108.0 сая төгрөгөөр цар тахлын хамгаалалтад үүрэг гүйцэтгэсэн 353 алба хаагчдыг шагнаж, урамшуулсан.

Монгол Улсад хөдөлмөр эрхлэх гадаад иргэд болон гадаад улсаас татан авсан иргэдийг тусгаарлах байранд хүргэх, тусгаарлах байрны хамгаалалтад ажилласан 941 алба хаагчид нийт 203.9 сая төгрөгийг олгосон.

Гамшгаас хамгаалах бүх нийтийн бэлэн байдлын зэрэгт үүрэг гүйцэтгэсэн 5824 алба хаагчид Засгийн газрын 2020 оны хөрөнгө гаргах тухай 179 дүгээр, 4143 алба хаагчид 196 дугаар тогтоолоор тус тус алба хаагч бүрт 800.000 төгрөгийг, нийт 9667 алба хаагчид 7.9 тэрбум төгрөгийн урамшуулал олгох шийдвэр гарч, Цагдаагийн ерөнхий газрын дарга, дотоодын цэргийн командлагчийн 2020 оны “Мөнгөн урамшуулал олгох тухай” Б/999 дүгээр тушаалын дагуу алба хаагч, ажилтны арилжааны банкин дахь дансаар урамшууллыг олгосон.

Цагдаа, дотоодын цэргийн байгууллагын 2020 оны төсвийн урсгал санхүүжилтийн зардалд 234.2, хөрөнгө оруулалтын зардалд 8.1, нийт 242.4 тэрбум төгрөг батлагдаж, төсвийг хуваарилан 2019 оны 12 дугаар сарын 31-ний өдрийн 6/1957 дугаар албан бичгээр төсөв захирагч анги, байгууллагуудад хүргүүлсэн.

Мөн Засгийн газрын 2020 оны 03 дугаар тогтоол, Хууль зүй дотоод хэргийн сайдын 2020 оны А/09 дүгээр тушаалаар Экологийн цагдаагийн алба байгуулагдаж 4.8 тэрбум төгрөг, Засгийн газрын 2019 оны 472 дугаар тогтоолоор цалингийн сүлжээ, хэмжээг шинэчлэн тогтоосонтой холбогдуулан 9.3 тэрбум төгрөгийг тус тус цагдаа, дотоодын цэргийн байгууллагын төсөвт нэмж хуваарилсан.

Цэргийн алба хаагчийн тэтгэвэр тэтгэмжийн тухай хуулийн 19 дүгээр зүйлийн дагуу цэргийн тэтгэвэр тогтоолгосон алба хаагчдад олгох удаагийн тэтгэмжийг 430 алба хаагчид 16.842.4, Цагдаагийн албаны тухай хуулийн 89.2 дахь заалт “Аймгийн төвөөс бусад суманд тасралтгүй ажиллаж байгаа цагдаагийн алба хаагчид 30 сарын үндсэн цалинтай тэнцэх хэмжээний мөнгөн урамшил”-ыг 134 алба хаагчид 2.192.2, ажил үүргээ гүйцэтгэж байгаад болон өвчний улмаас нас барсан 8 алба хаагчийн ар гэрт 60-120 сарын тэтгэмж 383.5 сая төгрөгийг тус тус олгосон.

Сүхбаатар дүүрэг дэх цагдаагийн газар, Говь-Алтай аймаг дахь цагдаагийн газрын барилга, Дотоодын цэргийн 805 дугаар ангийн Цэргийн байр, Архангай аймгийн Тариат сум дахь цагдаагийн хэсгийн төлөөлөгчийн байр /кобан/-уудыг шинээр бариулан, Увс аймаг дахь цагдаагийн газрын барилгын их засварын ажил, Нийслэлийн цагдаагийн удирдах газрын Эрүүлжүүлэх, саатуулах төвийн барилгын агааржуулалтын систем угсралтын ажлуудыг хийж гүйцэтгэн ашиглалтад оруулсан.

Дотоодын цэргийн штабын үйл ажиллагааны талаар Монгол Улсын Засгийн газрын 2019 оны мн/250 дугаар тогтоолын хэрэгжилтийг хангах ажлын хүрээнд “2020 оны хоёрдугаар ээлжийн цэрэг татлагаар дотоодын цэрэгт төв, орон нутгаас татан авах хугацаат цэргийн алба хаагчдын хяналтын тооны санал”-ыг бэлтгэн, Зэвсэгт хүчний Жанжин штабт хүргүүлж, зөвхөн Нийслэлийн хэмжээнд цэрэг авахаар шийдвэрийг гаргуулж, Дотоодын цэргийн командлагчийн 2020 оны “Цэргийн жинхэнэ албанд цэрэг татах ажлыг зохион байгуулах тухай” А/12 дугаар тушаалаар хугацаат цэргийн алба хаагчдыг татан авах ажлыг 2020 оны 10 дугаар сарын 22-25-ны өдрүүдэд зохион байгуулж, цэргийн жинхэнэ албыг хаалгуулж байна.

Дотоодын цэрэгт 2020 оны хоёрдугаар ээлжийн цэрэг татлагаар татан авах хугацаат цэргийн алба хаагчдын хэрэгцээнд дотуур өмд, цамц 430 хосыг данс бүртгэлийн үнээр олгуулах хүсэлтийг Зэвсэгт хүчний Жанжин штабт хүргүүлэн, зохих шийдвэрийг гаргуулж, Зэвсэгт хүчний 310 дугаар ангиас хугацаат цэргийн алба хаагчдын албан хэрэгцээнд хэрэглэх 430 хос дотуур өмд, цамцыг 05 дугаар ангид татан авч, эдэлгээний нормын дагуу хугацаат цэргийн алба хаагчдад хэрэглүүлж байна.

Цагдаагийн ерөнхий газрын дарга, Дотоодын цэргийн командлагчийн 2020 оны “Цагдаа, дотоодын цэргийн бие бүрэлдэхүүнийг өндөржүүлсэн бэлэн байдлын хоёрдугаар зэрэгт шилжүүлэн ажиллуулах тухай” А/52, “Өндөржүүлсэн бэлэн байдлын хоёрдугаар зэрэгт шилжүүлсэн хугацааг сунгах тухай” А/64, А/90, А/116, А/140, А/213, 260, “Өндөржүүлсэн бэлэн байдлын нэгдүгээр зэрэгт шилжүүлэх тухай” А/272, “Өндөржүүлсэн бэлэн байдлын зэргийг хэсэгчлэн бууруулах тухай” А/293 дугаар тушаал, өгсөн үүргүүдийг тус тус хэрэгжүүлж, Дотоодын цэргийн штабын даргын 2020 оны “Хүч нэмэгдүүлсэн хамгаалалтад шилжүүлэх тухай” А/04 дүгээр тушаалаар 2020 оны 02 дугаар сарын 13-ны өдрөөс эхлэн улсын онц чухал объектын хамгаалалтыг батлагдсан орон тооны хүч хэрэгслээр дүрэм, стандартын дагуу хүч нэмэгдүүлж, бусад үед ердийн байдлаар зохион байгуулж, объектуудад давхардсан тоогоор 1624015 ажилчин, 177603 гадны иргэн, 8550 гадаадын иргэн, 317129 тээврийн хэрэгслийг тус тус шалган нэвтрүүлж, 600051 хөдөлгөөнийг бүртгэн хяналт тавьж ажилласан.

Монгол Улсын Засгийн газрын 2020 оны 2 дугаар тогтоолыг хэрэгжүүлж, Дотоодын цэргийн командлагчийн 2020 оны “Объект гэрээт хамгаалалтад хүлээн авах тухай” А/04 дүгээр тушаалаар 2020 оны 05 дугаар сарын 01-ний өдрөөс эхлэн “Таван толгой түлш” ХХК-ий үйлдвэрийн I, II, III, IV объект /сайжруулсан шахмал түлшний 1, 2, 3, 4 дүгээр үйлдвэр/-ыг 05 дугаар ангийн гэрээт хамгаалалтад хүлээн авч, хамгаалалтыг хэвийн зохион байгуулан ажиллаж байна.

Гурав. Дүгнэлт

-Цагдаа, дотоодын цэргийн байгууллагаас 2020 онд хуулиар хүлээсэн гэмт хэрэгтэй тэмцэх, нийтийн хэв журам хамгаалах, олон нийтийн аюулгүй байдлыг хангах, улсын онц

чухал объектыг хамгаалах үндсэн чиг үүрэг, дэвшүүлсэн зорилт, үйл ажиллагааны төлөвлөгөөний хэрэгжилтийг ханган ажиллаа.

-Монгол Улсын цагдаагийн байгууллагын ойрын болон дунд хугацааны тогтвортой хөгжлийг хангаж, үйл ажиллагааг боловсронгуй болгох, гэмт хэрэг, зөрчлөөс урьдчилан сэргийлэх, илрүүлэх, таслан зогсоох ажилд орчин үеийн менежментийн хэлбэр, дэвшилтэт техник, технологийг нэвтрүүлж, үр дүнг дээшлүүлэх, иргэд, олон нийтийн оролцоог нэмэгдүүлэх, хүний нөөцийг бэлтгэх, мэдлэг, ур чадвар, чадавхыг сайжруулах, иргэдийн аюулгүй, амар амгалан амьдрах нөхцөлийг бүрдүүлэх зорилгоор Монгол Улсын Засгийн газрын 2020 оны 04 дүгээр сарын 22-ны өдрийн 141 дүгээр тогтоолоор “Цагдаагийн байгууллагын хөгжлийн хөтөлбөр”-ийг батлуулсан.

-Монгол Улсын Үндэсний аюулгүй байдал, хүний эрх, эрх чөлөөг хангах, төр, иргэн, хуулийн этгээдийн хууль ёсны ашиг сонирхлыг гэмт халдлагаас хамгаалах, урьдчилан сэргийлэх, нийгмийн дэг журмыг бэхжүүлж, иргэний ухамсар, соёлыг төлөвшүүлэх төрийн бодлогыг хангах зорилго бүхий “Цагдаа, дотоодын цэргийн байгууллагын гэмт хэрэг, зөрчлөөс урьдчилан сэргийлэх бодлогын баримт бичиг”-ийг 2020 оны 10 дугаар сарын 19-ний өдрийн А/250 дугаар тушаалаар батлан, үйл ажиллагаандаа хэрэгжүүлж байна.

-Алба хаагч, ажилтны аюулгүй байдлыг хангах, эрх, хууль ёсны ашиг сонирхлыг хамгаалах, ажиллах нөхцөл, урам зоригийг нэмэгдүүлэх зорилгоор “Цагдаа, дотоодын цэргийн алба хаагч, ажилтны эрх, хууль ёсны ашиг сонирхлыг хамгаалах хөтөлбөр, төлөвлөгөө, шалгуур үзүүлэлт”-ийг 2020 оны А/163 дугаар тушаалаар баталж, орон тооны бус зөвлөлийг байгуулсан.

-Монгол Улсын 2021 оны төсвийн тухай хуулиар цагдаа, дотоодын цэргийн байгууллагад 650 алба хаагчийн орон тоо, санхүүжилтийг шийдвэрлүүлснээс Монгол Улсын Засгийн газрын 2020 оны 10 дугаар сарын 21-ний өдрийн 152 дугаар тогтоолоор цагдаагийн байгууллагын хүүхдийн байцаагчийн орон тоог олон улсын жишигт нийцүүлэн 8000 хүүхэд тутамд 1 хүүхдийн байцаагч байхаар тогтоолгож, “Цагдаагийн байгууллагын зарим ажил, үйлчилгээ, хангалтын жишиг норматив”-д заасны дагуу 103 орон тоог шийдвэрлүүлж, цахимаар сонгон шалгаруулалтыг амжилттай явуулсан.

-Монгол Улсын Засгийн газрын 2020 оны 03 дугаар тогтоолоор хүрээлэн байгаа орчныг хамгаалах, энэ төрлийн гэмт хэрэг, зөрчилтэй тэмцэх, урьдчилан сэргийлэх, байгаль экологид учрах хохирлыг бууруулах нэгдсэн бодлого хэрэгжүүлэх чиг үүрэг бүхий “Экологийн цагдаагийн алба”-ыг байгуулж, энэ төрлийн гэмт хэрэгтэй тэмцэх ажлыг эрчимжүүлснээр 2020 онд 23064 гэмт хэрэг бүртгэгдэн, өмнөх оны мөн үеэс 26.8 хувиар буурч, илрүүлэлт 51.9 хувьд хүрч, 7.0 нэгжээр өссөн.

-Цагдаагийн байгууллагаас гэмт хэрэг, зөрчлөөс урьдчилан сэргийлэх чиглэлээр “Яараад яахав дээ”, “Орон нутгийн зам хөдөлгөөний соёл 2020”, “Сүүдэр бүү тусга”, “Хайр өвтгөдөггүй”, “Ятгах тусам нягтал”, “Нягтлах тусам аюулгүй”, “Мал мах”, “Дахин шалгая, Дахин сэрэмжилье”, “Бид нэг амьтай” зэрэг нөлөөллийн олон төрлийн аян, арга хэмжээг зохион байгуулж байгаа нь иргэд, олон нийтийн талархлыг хүлээж байна.

-Хүрээлэн байгаа орчны эсрэг гэмт хэрэг, зөрчлөөс урьдчилан сэргийлэх, таслан зогсоох, илрүүлэх чиглэлээр “Ногоон дуу хоолой”, “Хогоор бүү хорло”, “Ирлээ, Явлаа, Цэвэр”, “Цэнхэр алт усаа хайрлая”, “Ой модоо хайрлая” нөлөөллийн аян, “Нөхөн сэргээлт-2020” арга хэмжээнүүдийг зохион байгуулсан.

-Гэмт хэргийн гаралт сүүлийн жилүүдэд 11.4-26.8 хувиар буурч, хэргийн илрүүлэлт 0.8-8.5 нэгжээр өссөн эерэг үзүүлэлт гарсан.

-Монгол Улсын Засгийн газар, Хууль зүй, дотоод хэргийн яам, Нийслэлийн Засаг даргын Тамгын газраас хөрөнгө, санхүүжилтийг шийдвэрлүүлж, Сүхбаатар дүүрэг дэх цагдаагийн газар, Налайх дүүрэг дэх цагдаагийн хэлтэс конторын шинэ барилга, Дотоодын цэргийн 805 дугаар ангийн байрлалд хугацаат цэргийн алба хаагчийг байрлуулах “Цэргийн байр”-ыг шинээр барьж ашиглалтад оруулснаар алба хаагчдын ажил үүргээ гүйцэтгэх, чөлөөт цагаа зөв боловсон өнгөрүүлэх, бие бялдраа хөгжүүлэх, иргэд цэргийн алба хаах ая тухтай орчин нөхцөлийг бүрдүүлсэн.

-Дэлхийн нийтэд коронавируст халдвар /КОВИД-19/-ын цар тахал гарч, иргэдээ урьдчилан сэргийлэх, хамгаалах чиглэлээр цагдаа, дотоодын цэргийн байгууллагын бие бүрэлдэхүүн ихээхэн ачаалалтай ажилласан хэдий ч Монгол Улсын Их Хурал, Аймаг,

нийслэл, сум, дүүргийн иргэдийн Төлөөлөгчдийн Хурлын сонгуулийн үеийн хэв журмын хамгаалалт, зохицуулалт, хуулиар хүлээсэн үндсэн чиг үүргээ хэвийн гүйцэтгэсэн.

ЦАГДААГИЙН ЕРӨНХИЙ ГАЗАР